

類選箋釋續選草堂詩餘

續詩餘序

續經者僭經續詩者僭詩續詩

餘者法曰無僭詩不可續餘可

續也吾讀書老峰始見松陵之

城郭若龐山同里諸漫鳥澹臺

寶帶磧砂陳湖之濱鳥松之邨
崑之玉峰焉橫山若盤窠窪若
賓陽山若拱虞山若垣錫山若
龍上方若腕石湖若杯焉乃陟
青莎塢萬玉隈登妙高峰漫吾

腹者三萬六千頃之半焉莫釐
縹緲之外汎若水之鳬凡三十
有餘峯焉荆溪之銅官雪川之
碧巖如鵬決起張左右翼焉天
如薺焉舟如月焉日月並出焉

落日之帆如雪焉又或霧霽見
一頃焉電起閃一峰焉月上汎
一波焉吾見夫人蟻蟻焉飛塵
焉而以拜石則神人焉袍笏焉
夫人焉一草一木皆頂禮焉新

鐘鼓之聲壯雲山之色焉凡此
者皆天地之餘所謂芻望萬里
之黃山而皆青翠俯瞰千仞之
深谷而皆懸黑吾乃與千古文
章之士遊戲於葱嶺雲濤之間

當其忽然而投筆亦如天之一
北一南地之影長影短箕為傲
客房為駟馬而已矣詎不可續
乎哉甲寅秋日陳仁錫書於天
湧峰

類編箋釋續選草堂詩餘卷之上目錄

小令

搗練子

二調

如夢令

四調

相見歡

三調

長相思

四調

賀聖朝

一調

生查子

六調

點絳脣

八調

浣溪沙

十四調

山花子

六調

卜筭子

二調

采桑子

二調

訴衷情

二調

菩薩蠻

十八調

重疊金

四調

減字木蘭花 三調

謁金門 二調

好事近 一調

憶秦娥 三調

憶少年 一調

清平樂 三調

阮郎歸 五調

畫堂春 一調

桃源憶故人 二調

攤破浣溪沙 一調

烏夜啼 三調

眼兒媚 一調

應天長 一調

柳梢青 二調

西江月 四調

少年遊 一調

南柯子 四調

雨中花 一調

浪淘沙

八調

賣花聲

一調

鷓鴣天

七調

類編箋釋續選草堂詩餘卷之上目錄

詩餘選目錄卷之上

宋元

二

八

類編箋釋續選草堂詩餘卷之上

長洲錢允治箋釋

同邑陳仁錫校閱

小令

搗練子

秋閨

李後主

深院靜小庭空斷續寒砧斷續風

砧聲斷續與風相續秋思可知無

奈夜長人不寐數聲和月到簾櫳

閨情

李後主

雲鬢亂晚妝殘帶恨眉兒遠岫攢

卓文君有遠山眉

斜托香

腮春笋嫩

指手

為誰和泪倚闌干

如夢令

閨情

秦少游

門外鶯啼楊柳春色着人如酒

言春穠似醉也

睡起熨沈香

玉腕不勝金斗

金鑑也

消瘦消瘦還是觀花時候

閨思

秦少游

幽夢匆匆破後妝粉亂痕沾袖遙想酒醒來無奈玉

銷花瘦

玉銷花瘦句語新奇

回首回首遶岸夕陽疎柳

春情

黃山谷

去歲迷藏

兒女戲也元微之詩小樓前後捉迷藏

花柳恰似如今時候

心緒幾曾懽贏得鏡中消瘦生受生受更被養娘催

繡

唐宋女兒多有養娘卽今針線娘也

閨怨

李易安

誰伴明窓獨坐和我影兒兩個燈盡欲眠時影也把

人拋擲

人眠則無影矣如影之拋擲我也

無那無那好个恹惶的我

相見懽

離懷

李後主

言自是
無言獨上西樓月如鉤寂寞梧桐深院鎖清秋○剪
不斷理還亂離愁萬種豈能
剪能理者乎是離愁別是一般滋味
在心頭

秋望

朱希真

秋風又到人間葉珊珊四望烟波無盡欠青山有水無山
別是烟波秋色○浮生事長江水幾時閑幸是古來如此且
開顏

感悼

朱希真

東風吹盡江梅橘花開舊日吳王宮殿鎖蒼苔舊宮苔鎖

寂寞可知况梅落而猶開乎

○今古事英雄淚老相催長恨夕陽

西去晚潮回

晚潮上正夕陽時也

長相思

佳人

李後主

雲一緺玉一梭澹澹衫兒薄薄羅輕顰雙黛螺

眉也○

秋風多雨如和簾外芭蕉三兩窠夜長人奈何

秋雨而滴

芭蕉知夜長不睡何

秋景

黃山谷

蘋滿溪柳遶堤相送行人溪水西回時隴月低○烟

詩餘選

卷之五

三

二

霏霏風淒淒重倚朱門聽馬嘶寒鷗相對飛

離思

六一居士

花似伊柳似伊

伊指所思人言也

花柳春來人別離低頭雙

淚垂○長江東長江西兩畔鴛鴦兩處飛相逢知幾時

旅思

張宗瑞

山無情水無情楊柳飛花春雨晴征衫長短亭○擬行行重行行

古詩有行行重行行句

行到江南第幾程江南山

漸青

始爲問程見山漸青則江南近矣

賀聖朝

春景

六一居士

白雪梨花

柳色黃金嫩梨花白雪香唐句也

紅粉桃露華高垂楊慢

舞綠絲條草如袍○風過小池輕浪起似江皋

江皋汗解

也

千金莫惜買香醪且陶陶

陶陶醉貌

生查子

閨情

無名氏

閑倚曲屏風試寫相思字不道極多情却是渾無思

○笑近短牆陰拋个青梅子

古詩繞床弄青梅

苔上印鉤彎

邂逅難忘此

元夜有懷

秦少游

去年元夜時花市燈如晝月在柳梢頭人約黃昏後

開漢卿詞本此

○今年元夜時月與燈依舊不見去年人淚

滿春衫袖

感今懷昔皆情至之語

春夜

秦少游

睂黛遠山長新柳開青眼樓閣斷霞明羅幕春寒淺

○孟嫌玉漏遲燭厭金刀剪

孟行旣遲燭剪復頻夜景可掬

月色忽

飛來花影和簾捲

別怨

無名氏

郎如陌上塵
妾似堤邊絮
一別兩悠揚
踪跡無尋處
塵與絮皆無跡何可覓也
○粉面妬青春
汨眼零紅雨
過了別離時
還解相思苦
思因別生苦由思出

閨思

無名氏

相思懶下牀

崔鶯鶯詩萬轉千迴懶下牀

春夢迷蝴蝶

莊子夢為蝴蝶入

柳又穿花去去輕如葉
○可堪岐路長不道關山隔

無賴是黃鸝喚起空愁絕

唐詩打起黃鸝兒莫教枝上啼

閨情

無名氏

娟娟月入眉整整雲歸鬢鏡裏弄妝遲簾外風移影
○斜窺秋水長軟語春鶯近無計奈情何只有相思
分月眉雲鬢奈相思之情何

點絳脣

秋思

蘇東坡

獨倚胡牀

胡牀今坐椅也

庾公樓外峰千朵

庾公樓在武昌

與誰同

坐明月清風我○別乘一來有偈終須和還知底自

從添个風月平分破

妙句

鞦韆

無名氏

蹴罷鞦韆起來整頓纖纖手露濃花瘦薄汗輕衣透
○見客入來襪剗金釵溜和羞走倚門回首却把青
梅嗅

曲盡
情餘

春景

朱希真

春雨春風問誰染就江南草燕嬌鶯巧只是參軍老
晉人語 ○今古紅塵愁了人多少尊前好緩歌低笑醉
向花間倒

閨思

李易安

寂寞深閨愁腸一寸愁千縷惜春春去幾點催花雨

○倚遍闌干祇是無情緒人何處連天衰草望斷歸

來路

草滿長途情人不歸空攪寸腸耳

離別

晏叔原

明月征鞍又將南陌垂楊折

古人折柳贈別

自憐輕別拚得

音塵絕○杏子枝邊倚遍闌干月依前缺去年時節

舊事無人說

春景

晏叔原

花信

二十四番花信風

來時恨無人似花依舊又成春瘦折

斷門前柳○天與多情不與長相守分飛後淚痕和

酒占了雙羅袖

閨怨

秦少游

月轉烏啼畫堂宮徵音止生離恨美人愁悶不管羅衣
褪○清淚斑斑揮斷柔腸寸嗔人問背燈偷搵拭盡
殘紅粉

記夢

蕭竹屋

花徑相逢眼期

目成也

心諾

心允也

情如昨怕人疑着侬

弄軟韃索○知有而今何似當初莫愁難託雨鈴風
鐸夢斷燈花落

浣溪沙

鞦韆

六一居士

雲曳香綿綵柱高絳旗風颭出花梢一梭紅帶往來
拋○束素腰如束素美人羞不打却嫌裙幔褪纖腰日斜
深院影空搖

遊湖

六一居士

紅粉佳人白玉杯木蘭船陸魯詩幾度木蘭舟上穩
棹歌催綠荷風裏笑聲來○細雨輕烟籠草樹斜橋
曲水遠樓臺夕陽高處畫屏開

春思

六一居士

漠漠輕寒上小樓曉陰無賴似窮秋

曉陰窮秋佳句也

淡煙

流水畫屏幽○自在飛花輕似夢無邊絲雨細如愁

寶簾閑掛小銀鈎

花輕似夢雨細如愁佳句佳句

遠歸

晏叔原

午醉西橋夕未醒雨花淒斷不堪聽歸時應減鬢邊

青○衣化客塵今古道柳含春意短長亭鳳樓爭見

路傍情

客塵化衣柳意含春鳳樓之上學知此滋味乎

春宴

晏叔原

家近旗亭酒易沽

宋旗亭官賣酒所

花時常得醉工夫伴人

歌笑懶妝梳○戶外綠楊春繫馬牀前紅燭夜呼盧

盧黑也握梁野盧也相逢不解有情無

春閨

蘇東坡

道字嬌訛苦未成未應春閣夢多情朝來何事綠鬟

傾○綵索身輕長趁燕紅牕睡重不聞鶯困人天氣

近清明

唐詩困人天氣初長

青蛾

蘇東坡

學畫鵝兒正妙年陽城下蔡困嫣然

陽城下蔡皆美人所生也憑

君莫唱短媚綠○霧帳吹笙香媚媚霜庭按舞月媚媚曲終紅袖落雙纏

重陽

蘇東坡

晚菊花前歛翠蛾
按花傳酒緩聲歌

古有前後緩聲曲

柳枝

團扇別離多○擁髻淒涼論舊事
曾隨織女度銀梭

唐詩曾隨織女度銀梭

當年今夕奈愁何

方響

方響以敗鐵爲之嘉靖初尚存今以銅鑄鐸代之益可笑

前人

花滿銀塘水漫流
犀槌玉版奏涼州

曲名

順風環珮過

秦樓○遠漢碧雲輕漠漠
今宵人在鵲橋頭一聲敲

徹絳河秋

七夕鵲填河候也方響
響時柰犀槌玉版何

覓茶

蘇東坡

荻荻衣巾落棗花村南村北響縑車半依古柳賣黃

爪

棗花落綠車響黃
爪賣四月天氣也

○酒困路長惟欲睡日高人渴

謾思茶

茶出雨前
正其時也

敲門試問野人家

古詩酒渴漫思
茶山童呼不起

野眺

米元章

日射平溪玉宇中

言天淨如玉宇也

雲橫遠渚岫重重野花

猶向澗邊紅

夏秋都過
野花尚紅

○靜看沙頭魚入網閑支藜

杖醉迎風小春天氣惱人濃

小春十月
天氣也

春情

周美成

薄薄紗厨

謂帳也非今紗厨

望似空簾紋如水浸芙蓉起來

嬌眼未醒惚○强整羅衣擡皓腕更將紈扇掩酥胸

羞郎何事面微紅

爲鴛鴦詩爲郎憔悴却羞郎

晚景

賀方回

鸚鵡驚人促下簾碧紗如霧隔青奩雪兒窺鏡晚纖

纖○鳥鵲橋邊河絡角

古語天河絡角好做夜作

鴛鴦樓外月西

南

月在西南天欲明也

門前嘶馬弄金銜

春遊

賀方回

宮錦袍藍水麝香越羅裙染鬱金黃茜蘿依約見明
妝○繡陌不逢携手伴綠牕誰是畫眉郎謂張京兆也春
風千里斷人腸

閨情

李易安

髻子傷春慵更梳晚風庭院落梅初淡雲來往月疎
疎○玉鴨薰爐閑瑞腦朱櫻斗帳掩流蘇遺犀還解

辟寒無古有辟寒犀

山花子

閨情

六一居士

香鬢凝羞一笑開柳腰如醉煖相挨

如醉相挨動人情思

日長

人因下樓臺○照水有情聊整鬢倚闌無緒更拋鞋

眼邊牽恨懶歸來

無限情踪

閨情

李易安

繡面芙蓉一笑開斜飛寶鴨襯香腮眼波才動被人

猜

所謂目成也

○一面風情深有韻半牋嬌恨寄幽懷月

移花影約重來

唐詩月移花影上闌干

旅况

陸渭南

謾向寒爐醉玉瓶喚君同賞小牕明

東坡語

夕陽吹角

最關情○忙日苦多閑日少新愁常續舊愁生客中
無伴怕君行

春夜

陸渭南

花市

成都市有花市藥市

東風捲笑聲柳溪人影亂於雲梅花

何處暗香聞○露濕翠雲裘上月燭搖紅影帳前春
瑤臺有路漸無塵

上巳

楊孟載

軟翠冠兒簇海棠研羅衫子繡丁香閑來水上踏青

陽

古詩閑尋女伴踏春陽

○風煖有人能作伴日長無事可思

量水流花落任匆忙

花朝

楊孟載

鸞股先尋鬪草釵鳳頭新繡踏青鞋衣裳宮樣不須裁
○雕玉鏤成鸚鵡架泥金鑄就牡丹牌明朝相約

看花來

有富貴氣象

卜筭子

離思

朱希真

碧瓦小紅樓芳草江南岸雨後牕紗幾陣寒

古詞紗牕幾陣

黃梅雨

零落梨花晚

秦詞風前香軟春在梨花

○看到水如雲送盡

鴉成點南北東西處處愁獨倚闌干遍

止禪師

書是玉關來淚向松江墮梅自飄香柳自青嘹唳征
鴻過○沙漠暗塵飛嵩嶽愁雲鎖淮上千營夜枕戈
此恨憑誰破

此豈宋末兵興陽
羅湫有事時乎

落梅

陸務觀

驛外斷橋邊寂寞開無主已是黃昏

林詩暗香浮動月黃昏

獨

自悲更着風和雨○無意苦爭春一任羣芳妬零落

成泥碾作塵只有香如故

言梅以零落而香不替
如初豈羣芳所能妒乎

采桑子

離恨

秦少游

夜來酒醒清無夢愁倚闌干露滴輕寒雨打芙蓉淚
不乾芙蓉經雨清泪如滴離恨可知○佳人別後音塵悄瘦盡難拚
明月無端已過紅樓十二間

春思

李後主

亭前春逐紅英盡舞態徘徊細雨霏微不放雙睂時
暫開○綠牕冷靜芳音斷香印成灰印香已燼成灰則日長無柰可
知可奈情懷欲睡朦朧入夢來

訴衷情

畫眉

黃山谷

旋揜玉指鬪彎蛾遠峰看有無

遠山淡淡即文君之眉也

天然自

有殊態供愁黛不須多

螺黛何須多着

○分遠岫壓橫波妙

難過自欹枕處獨倚闌時不奈顰何

枕上欄邊不奈長顰

畫眉

六一居士

清晨簾幕卷輕霜呵手試梅妝都緣自有離恨故畫
作遠山長○思往事惜流芳易成傷擬歌先斂欲笑
還顰最斷人腸

菩薩蠻

宮詞

李後主

銅黃韻脆鏘寒竹

並黃聲也

新聲慢奏移纖玉

手拍頻移也

眼

色暗湘鈎秋波橫欲流○雨雲深繡戶來便諧衷素

宴罷又成空夢迷春睡中

春思

牛嶠

玉釵風動春幡急交枝紅杏籠煙泣樓上望卿卿

我不

卿卿誰復卿
卿卿誰復卿
卿卿誰復卿

寒牕新雨晴○薰爐蒙翠被翠被鴛鴦

睡何處最相知羨他初畫睂

春暮

牛嶠

風簾燕舞鶯啼柳妝臺約鬢低纖手釵重髻盤珊一枝紅牡丹○門前行樂客白馬嘶春色故故墜金鞭

唐妓一枝花
過墜策郎

回頭應眼穿

閨情

無名氏

牡丹帶露真珠顆佳人折向庭前過含笑問檀郎

大率

指情人為檀郎
不必足姓檀

花強妾貌強○檀郎故相惱只道花

枝好一面發嬌嗔碎掇花打人

五字形
容極妙

佳人

黃師憲

眉尖早識愁滋味嬌羞未解論心事試問憶人否無
言只點頭年少未○嗔人歸不早故把金杯惱醉看
舞時腰還如舊日嬌

送別

舒信道

畫船撾鼓催君去高樓把酒畱君住去住若爲情江
頭潮欲平○江潮容易得却是人南北今日此尊空
知君何日同別情離思
溢于言外

冬景

舒信道

江梅未放枝頭結江樓已見山頭雪待得此花開知

君來未來○風帆雙畫鷁雪後復雨平小雨隨山色空得

鬱金裙酒痕和淚痕

冬宴

歐陽炯

紅爐煖閣佳人睡隔簾飛雪添香氣小院奏笙歌香風簇綺羅○酒傾金盞滿銀燭重開宴公子醉如泥

天街聞馬嘶

富貴氣象

代妓送陳述古

蘇東坡

娟娟缺月西南落相思撥斷琵琶索枕淚夢魂中覺來眉暈重○畫堂堆燭淚冠萊公燭淚成堆長笛吹新水令名

醉客各西東應思陳孟公

以孟公比述古也

秋思

陳達叟

舉頭忽見衡陽雁

古來雁不到衡陽故衡山有迴雁峰

千聲萬字情何

限耐耐

可耐不

薄情夫一行書也無○泣歸香閣恨

和淚淹紅粉待雁却回時也無書寄伊

二無字前後照應甚妙

離思

無名氏

有情潮落西陵浦無情人向西陵去

古詩西陵樹下結同心西陵浦

口不知斷送多少人也

去也不教知怕人畱戀伊○憶了千千

萬恨了千千萬畢竟憶時多恨時無奈何

憶與恨校量恨須無

詩餘選

卷之十一

六

也

閨情

黃山谷

輕風裊斷沉煙炷
霏微盡日寒塘雨
殘繡沒心情鳥啼
花外聲○離愁難自製
年少乖盟誓此五字描寫最妙
寂寞掩朱門
羅衣空淚痕

閨情

李易安

綠雲鬢上飛金雀
愁眉翠歛春烟薄
香閣掩芙蓉畫屏
山幾重○牕寒天欲曙
猶結同心苣戲結苣為同心也
粉污羅衣問郎歸幾時

歸思

王通叟

單十

笛曲名

吹落山頭月漫漫江上沙如雪誰唱縷金

衣水寒船舫稀○蘆花楓葉浦憶抱琵琶語

風葉荻花秋瑟

瑟琵琶行中語也

身未發長沙夢覓先到家

詠梅

朱淑真

濕雲不度溪橋冷嫩寒初透東風景

濕雲嫩寒詞中佳語

橋下

水聲長一枝和雪香○人憐花似舊花比人應瘦莫

凭小闌干夜深花正寒

春暮

張于湖

東風約略吹羅幕一簾細雨春陰薄試把杏花看濕
紅嬌暮寒以濕紅而嬌暮寒○佳人雙玉枕烘醉鴛
鴦錦折得最繁枝煖香熏翠帷

題江西造口

辛幼安

鬱孤臺臺在虔州下清江水中間多少行人淚西北是長

安可憐無數山○青山遮不住畢竟東流去江晚正

愁予山深聞鷓鴣金人追孟太后至造口而返

梨花夜月

楊孟載

水晶簾外涓涓月梨花枝上層層雪易詞梨花雪桃花雨花月

雨糝糊隔簾看欲無○月華今夜黑全見梨花白月黑而見梨花之自然梨花宿稱梨雪不待月黑也花也笑姮娥讓他春色多因雖

重疊金

閨思

李後主

花明月暗飛輕霧今朝好向郎邊去剗襪步香階手
提金縷鞋正指小周后事○畫堂南畔見一向偎人顫奴爲

出來難教君恣意憐

念遠

馮延巳

梅花

曲名

吹入誰家笛

江城五月落梅花笛笛曲

行雲半夜疑空碧

作余是

宋元

二

詞館選
卷之十一
欹枕不成眠關山人未還○聲隨幽怨絕空斷澄霜
月月影下重簷輕風花滿簾

秋思

葉夢得

平波不盡蒹葭遠清霜半落沙痕淺烟樹晚微茫孤
鴻下夕陽○梅花消息近試向南枝問古詩南枝纔
放兩三花
記得水邊春江南別後人古詩折梅逢驛
使寄與隴頭人

立秋

黃叔暘

西風半夜驚羅扇蛩聲入夢傳幽怨碧藕試初涼露
痕啼粉香○清冰凝簟竹不許雙鴛宿又是五更鐘

啼鴉金井桐

鴉啼天曙秋風乍涼
奈雙鴛之不同宿乎

減字木蘭花

聽琵琶

朱希真

劉郎已老不管桃花依舊笑

指劉夢得事

要聽琵琶重院

啼鶯覓謝家○曲終人醉多似潯陽江上浹

用白樂天江州

司馬事

萬里東風故國山河照落紅

曉景

六一居士

樓臺向曉淡月低雲天氣好翠幕風微宛轉梁州入

破時

梁州曲名
入破調名

○香生舞袂楚女腰肢天與細汗粉

重勻酒後輕寒不着人

春望

黃山谷

襄王夢裏草綠煙深何處是宋玉

宋玉有高唐賦

臺頭暮雨

朝雲幾許愁

襄王過巫山神女於高唐暮在巫山下

○飛花漫

漫

去聲

不管羈人腸欲斷春水茫茫欲渡南陵更斷腸

謁金門

初春

張宗瑞

花事淺方費工夫勻染墻角紅梅開未遍小桃纔數

點

點花薄花參差開

○人在暮寒庭院閑續茶經

陸羽

作香傳

葉庭珪作

酒思如冰詩思懶

雖有茶香奈詩酒之興索然

雨聲

簾不捲

春愁

賀方回

花滿院飛去飛來雙燕

謝元暉詩風簾入雙燕張九齡詩繡戶時雙入

紅雨

入簾寒不捲曉屏山六片○翠袖玉笙淒斷脉脉雙

蛾愁淺消息不知郎近遠一春長夢見

六片屏山一春長夢懷人

之思空切其如郎之近遠何

好事近

幽居

秦少游

春露雨添花花動一山春色行到小溪深處有黃鸝
千百○飛雲當面化龍蛇偶書所見天矯轉空碧醉臥古
陰藤下了不知南北有擺脫世事氣象

憶秦娥

秋宵

黃叔暘

心如結西風老盡黃花節黃花節塞鴻聲斷冷烟淒
月○漢朝陵廟唐宮闕皆在長安興衰萬變興廢萬千不可說也從
誰說千年青史既往人也幾人華髮見在人也

邯鄲道中

黃叔暘

風蕭瑟邯鄲

趙所都

古道傷行客繁華一瞬不

堪思憶○叢臺

趙王歌舞池也

歌舞無消息金尊玉管空陳

迹空陳迹連天衰草暮雲凝碧

楊花

楊孟載

東風惡一溪春水楊花落楊花落惹人衫袖綴人簾

幕○纔飛却墮能纖弱倏來還去無拘着無拘着山

遙水遠任伊飄泊

後人自練片本于此

憶少年

寒食

謝勉仲

池塘綠遍王孫芳草依依斜日遊絲捲晴晝繫東風
無力○蝶趁幽香蜂釀蜜鞦韆外臥紅堆碧心情費
消遣更梨花寒食

蜂蝶秋遷梨花
寒食景真情到

清平樂

憶別

李後主

別來春半觸目愁腸斷砌下落梅如雪亂拂了一身
還滿○雁來音信無憑路遙歸夢難成離恨却如春
草更行更遠還生

未二句無
人道得

春晚

六一居士

小庭春老碧砌紅萱草

春老萱紅暮春天氣

長憶小閨閑共遶

攜手綠叢含笑○別來音信全乖舊期前事堪猜門掩日斜人靜落花愁點蒼苔

詠柳

楊孟載

欺煙困雨拂拂愁千縷曾把腰肢羞舞女贏得輕盈如許○猶寒未煖時光將昏漸曉池塘記取春來楊柳風流全在輕黃

淡黃楊柳正風流時也

阮郎歸

別怨

六一居士

劉郎何日是歸時

謂劉晨出天台山也

無心雲勝伊行雲猶解

傷山扉郎行去不歸○強勻畫又芳菲春深輕薄衣

桃花無語伴相思陰陰月上時

春恨

六一居士

落花流水樹臨池年前心眼期見來無事去還思而今花又飛○淺螺黛淡胭脂閑妝取次宜隔簾風雨
閉門時此情風月知

春暮

秦少游

褪花新綠漸團枝撲人風絮飛

冠平叔詞淡淨離撲行人面

軟轡

未拆水平堤落紅成地衣劉詞片光○遊蝶困乳鶯
啼怨春春怎知日長早被酒禁持那堪更別離

幽會

秦少游

宮腰裊裊翠鬟鬆夜堂深處逢無端銀燭殞秋風靈
犀得暗通唐詩心有靈犀一點通○更有限恨無窮星河沉曉
空隴頭流水各西東佳期如夢中

詠淚

秦少游

瀟湘門外水平鋪月寒征棹孤紅粧飲罷少踟躕有
人偷向隅古語一人向隅滿座不樂○揮玉筯灑真珠梨花春雨

餘人人盡道斷腸初那知腸已無

畫堂春

春思

鄭中卿

東風吹雨破花慳客羶曉夢生寒有人斜倚小屏山
蹙損眉彎○合是一釵雙燕却成兩鏡孤鸞暮雲脩
竹淚流殘翠袖凝斑天寒翠袖薄日暮倚脩竹鋪叙于此便覺有味

桃源憶故人

春恨

朱希真

雨斜風橫去聲香成陣春去空留春恨歡少愁多因甚

燕子渾難問○碧尖蹙損眉
慵暈淚濕臙脂紅沁可
惜海棠吹盡又是黃昏近

潘詞花客黃昏空掩門

冬飲

張千湖

朔風弄月吹銀霰

詩先集唯霰

簾幙低垂三面酒入玉肌

香軟壓得寒威歛○檀槽

琴瑟也以乍撥么

六么調名也

絲慢彈得相思一半不道有人腸斷猶作聲聲顫

攤破浣溪沙

彈箏

賀方回

錦韉朱絃瑟瑟

琴瑟玉也

徽玉纖新擬鳳雙飛縹緲燭煙

言餘是
卷二十一
三
花幕暗就更衣○約略整環釵影動遲回顧步珮聲
微宛是春風蝴蝶舞帶香歸

烏夜啼

離情

劉無黨

離恨遠縈楊柳夢魂長遶梨花青衫記得章臺月歸
路玉鞭斜○翠鏡啼痕印袖紅墻醉墨籠紗碧紗籠
牆上字
上墻事也在楊州木蘭院又冠萊公詩
名得時將紅袖拂也應勝是碧紗籠
生事春思入琵琶
相逢不盡平

閨思

劉無黨

菱鑑玉籠秋月蕙爐銀葉

銀葉所燒香

朝雲宿醒人困屏

山夢煙樹小江村○翠甲未消蘭恨粉香不斷梅魂

蘭消翠甲梅帶粉香春光可憐離愁分付殘春雨花外泣黃昏

西湖

劉無黨

水漫汀洲新綠雲開崦嶂微青殘紅不見成陰後鷓

鴒寂無聲○笑傲坡詩一夢所謂別夢已隨流水風流杜牧三

生西湖依舊人中意琴操參來去竟難憑

眼兒嬌

有感

無名氏

蕭蕭江上荻花秋。做弄許多愁。半竿落日，兩行新雁，一葉扁舟。
○惜分長怕君先去，直待醉時休。今宵眼底，明朝心上，後日眉頭。
今宵明朝後日用字佳
眼底心土眉頭用事妙
應天長

曉起

李後主

一鈎初月臨妝鏡。蟬鬢鳳釵慵不整。重簾靜層樓迥。
惆悵落花風不定。
唐太宗詩風
來花自舞
○柳堤芳草徑。夢斷
轆轤金井。昨夜更闌酒醒。春愁過却病。

柳梢青

七分

劉叔安

乾鵲

鵲喜晴也
口乾鵲鳴

收聲濕螢

螢蒸濕而生
故曰濕螢

度影庭院秋

香步月移陰梳雲約翠人在迴廊（醺醺宿酒殘妝

待付與溫柔醉鄉

溫柔鄉美人
也醉鄉酒也

卻扇藏嬌牽衣索笑

今夜差涼

游女

蔣逵

學唱新腔鞦韆架上釵股敲雙柳雨花風翠鬆裙褶

紅膩鞦韆○歸來門掩銀缸淡月裏疎鐘漸撞嬌欲

人扶醉厭人間斜倚樓牕

西江月

懷舊

蘇東坡

別夢已隨流水淚巾猶裹香泉相如依舊是臞仙人
在瑤臺閬苑○花霧縈風縹緲歌珠滴水清圓蛾眉
新作十分妍走馬歸來便面

佳人

蘇東坡

聞道雙銜鳳帶不妨單着鮫綃夜香知與阿誰音刀誰不
作如燒悵望水沉烟裊○雲鬢風前絲捲玉顏醉裏
紅潮莫教空度可憐宵月與佳人共僚音了

贈別

張子野

憶昔錢塘話別十年社燕秋鴻今朝忽遇暮雲東對
坐旗亭說夢（）破帽東坡有破屋多情却
總頭句此用破帽字手遮西日
練衣袖捲寒風蘆花江上雨蓑翁消得幾番相送

閨情

秦少游

愁黛頻成月淺啼妝印得花殘只消鴛枕夜來閑曉
鏡心情更懶（）醉帽簷頭風細征衫袖口香寒綠江
春水寄書難攜手佳期又晚

少年游

秋思

柳耆卿

參差煙樹灞陵橋

在長安古送別折柳處

風物盡前朝衰楊古

柳幾經板折憔悴楚宮腰○夕陽閃淡秋光淨離思

滿蘄阜一曲陽關

送別詩也

斷腸聲裏獨上木蘭橈

南柯子

閨怨

秦少游

香墨彎彎畫

眉

胭脂淡淡勻

唇

揉藍衫子杏黃裙獨

倚玉闌無語點檀唇○人去空流水花飛半掩門亂

山何處覓行雲又是一鈎新月照黃昏

閨情

秦少游

愁黛香雲墜嬌眸水玉裁月屏風幔爲誰開天外不
知音耗百般猜○玉露沾庭砌金風動瑄灰十二律測候灰
也相看有似夢初回只恐又拋人去幾時來

別思

賀方回

斗帳才供淚扁舟只載愁

李詞只恐雙溪舴艋舟載不動許多愁

畫橋

青柳小朱樓猶記出城車馬爲遲留○有恨花空委

無情水自流河陽新鬢

潘安仁也

儘禁秋蕭散楚雲巫雨

此生休

夏景

劉致君

榴破猩肌血

紅言

萱開鳳尾黃舊閑風簟雪肌涼一枕

濃香魂夢到巫陽○雲紵描瑤草蓮腮洗玉漿碧梧

深院小簾牀此意一江春水正難量

雨中花

春暮

無名氏

問說海棠開盡了

秦少游詞試問海棠花昨夜開多少

怎生得夜來一

笑顰綠枝頭落紅點裏問有愁多少○小院閉門春

悄悄禁不得瘦腰如裊苴蕊濃時茶縠香處試把菱

花照

浪淘沙

春遊

六一居士

花外倒金翹飲散無聊柔桑

唐詩誰家寒食歸寧女笑語柔桑陌上來蔽

日柳迷條此地年時曾一醉還是春朝○今日舉輕
橈帆影飄飄長亭回首短亭遙過盡長亭人更遠特
地魂銷

感悼

六一居士

五嶺麥秋殘

四月風雨謂之麥秋

荔子紅丹絳紗囊裏水晶丸

形容色

可惜天教生處遠不近長安○往事憶開元

妃子

謂楊貴妃

偏憐一從覓散馬鬼關

妃子死于馬鬼坡

只有紅

塵迷驛使滿眼驪山

一騎紅塵妃子笑無人知是荔枝來然皆蜀產非嶺表物也

閨情

六一居士

簾外五更風吹夢無踪畫樓重上與誰同記得玉釵

斜撥火寶篆成空○回首紫金峰雨潤煙濃一江春

浪醉醒中畱得羅襟前日淚彈與征鴻

此詞極與後主相似

感念

李後主

往事只堪哀對景難排秋風庭院蘚侵堦一片珠簾

閑不捲終日誰來可哀○金斂玉沉埋壯氣蒿萊晚
涼天靜月華開想得玉樓瑤殿影空照秦淮此在汴京念秣陵事

閨情

李易安

素約小腰身

古詩腰如束素

不奈傷春疎梅影下晚妝新裊

裊娉婷何樣似一縷輕雲○歌巧動朱唇字字嬌嗔

桃花深徑一通津悵望瑤臺清夜月還送歸輪

旅況

朱希真

風約雨橫江秋滿蓬窓个中物色儘淒涼更是行人

行未得獨繫歸航○擁被換殘香黃卷堆牀開愁展

恨剪思量伊是行雲儂是夢休問家鄉雲與夢皆無
依準何處可

問家鄉道
旅况極盡

楊花

張子野

腸斷送韶華為惜楊花雪毬搖曳逐風斜言楊花滾
地成毬如

雪隨風也容易着人容易去飛過誰家○聚散苦咨嗟無

計留他行人洒淚滴流霞今日畫堂歌舞地明日天

涯

懷古

趙子昂

今古幾齊州

今青州

華屋山丘杖藜徐步立芳洲

杜句無

主桃花開又落空使人愁○波上往來舟萬事悠悠

春風曾見昔人遊只有石橋橋下水依舊東流

人不見而

水自流豈勝感慨

賣花聲

懽飲

六一居士

今日北池遊漾漾輕舟波光潋灩柳條柔如此春來
春又去白了人頭○好妓好歌喉不醉無休勸君滿
滿酌金甌縱使花前常病酒也是風流

鷓鴣天

妓館

蘇東坡

笑撚紅梅鞦

典可切垂下貌

翠翹楊州十里最妖嬈夜來綺

席新曾見撮得精神滴滴嬌

撮字精妙

○嬌後眼舞時腰

劉郎幾度欲魂消明朝酒醒知何處腸斷雲間碧玉

簫

揚州詩二十四橋明月夜玉人何處教吹簫

佳人

蘇東坡

羅帶雙垂畫不成帶人嬌態最輕盈酥胸斜抱天邊月玉手輕揮水面冰

皆指琵琶

○無限事許多情四絃絲

竹四絃正琵琶亦有八絃苦丁寧饒君撥盡相思調待聽梧桐
葉落聲

卓中

無名氏

紫陌朱輪去似流丁香初結小銀鈎凭闌試問秦樓

路瞥見纖纖十指柔

杜牧詩曰纖纖十遠巡裏子枯無由得見玉纖纖張祐詩但知報

道金釵墜彷彿還應露指尖

○金約腕玉搔頭儘教人看却佯羞

欲題紅葉無流水

韓夫人事

別是桃源一段愁

武陵人入桃源見水

中桃辨流出

離別

無名氏

鎮日無心掃黛眉臨行愁見理征衣樽前祇恐傷郎

意閣淚汪汪不敢垂

王實甫西廂詞只收一流字

○停寶馬捧瑤

卮相斟相勸忍分離不如飲待奴先醉圖得不知郎

去時

醉則不知分手之苦真得離別之情者

佳人

無名氏

全似丹青捏染成更將何物比輕盈雪因舞態羞頻

下雲爲歌聲不忍行

秦青響過行雲

○螺髻小鳳鞦輕天邊

斗柄又斜橫水晶亭柱琉璃帳客去誰同看月明

春晴

李元膺

寂寞鞦韆雨繡旗日長花影轉堦遲燕驚午夢周遮
語唳蝶困春遊落托飛委墮○思往事入顰眉柳
梢陰重又當時薄情風絮難拘束飛過東牆不肯歸

東陽道中

辛幼安

撲面征塵去路遙香篝漸覺水沉消山無重數周遭
碧花不知名分外嬌○人歷歷馬蕭蕭古詩蕭蕭班馬鳴旌
旗又過小紅橋愁邊剩有相思句搖斷吟鞭碧玉梢

類編箋釋續選草堂詩餘卷之上